



Qurannoo Asilii

Sakatta'a Ga'umsa Raawwii Leenjistootaafi Dhiyaannaa Qulqullina Leenjii Dubbarree, Leenjifamtootaa Tajaajila Duraa Milkeessuu Irratti Kolleejji Barnotaa Barsiisotaa xiyyeffachuu

Margaa Gammadaa

Muummee Afaniiifi Ogbarruu Oromoo, Yuunvarsitii Wallaggaa, L.S.P. 395, Naqamtee, Itoophiyaa

Axereraa

Kaayyoon qorannoo kanaa ga'umsa raawwii leenjistootaafi qulqullina dhiyaannaa leenjii dubbarree Afan Oromoo, milkaa'ina leenjifamtootaa tajaajilaan duraa sakatta'uudha. Ka'umsi qorannoo kanaas, kutaa gadiitii kaasee rakkoo Afan Oromoob dubbisuufi barreessuu barattootaa irratti mul'atu habuuramedha. Madda rakkoo kanaa adda baasuuf, sadarkaa kolleejji barnootaa barsiisotaatti haala raawwii leenjistootaafi qulqullina leenjii kennamu iyyafatame. Ragaalee guuruu, qaaccessuufi hiikuuf saxaxa sakatta'a qaxxaamuraatti fayyadame. Kana galmaan ga'uufis, mala walmakaatti gargaarame. Iddatoonni, KBB Dambi Doolloo, Shaambuufi Naqamtee istiriimii istetiksii, saayinsii uumamaafi hawaasaarraa leenjifamtoota wagga 3ffaa carraa tasen (n=180), barsiisota mala hammargeen (n=30), waliigala (n=210) filataman. Ragaalee walitti qabuuf, bargaaffti, afqaaffifi MGX fayyadame. Ragaalee qaaccessuuf, istatiksii ibsaa (safartuu ragaalee liikertii bu'aa gidduufi garaagarummaa safartuu dhaabbataafi infireenshaalii (ANOVA karaa tokkoofi hariiroo Spearman') gargaarame. Kanneen akkamtaan guuraman, walitti makuun jechootaan qaacceffame. Argannooon ijoon mul'ate KBB keessatti torbeetti wayitiin leenjii dubbarreef ramadame 2 qofa. Qulqullina leenjiif xiyyeffanno kennamuu irratti bu'aan argame, gadi-aanaa waan ta'eef, leenjifamtoota ga'oomsuuf xiyyeffanno jiru laafaa ta'uu hubatame. Haala raawwii leenjisuu leenjistootaa irrattis bu'aan gidduu mul'ate gadi-aanaa waan ta'eef, milkaa'ina leenjifamtooni leenjii dubbarree irraa argatan irratti dhiibbaa sirrummaa (+ ve factor) uumu akka hinqabne adda ba'e. Darbee, haala raawwii leenjisuu leenjistootaafi milkaa'uu leenjifamtootaa gidduu hariiroon jirus baay'ee laafaa ta'uu hubatame. Kanaaf, BBO, KBB'fi qaama dhimmi ilaallatu hundi rakkoo kanaaf osoo xiyyeffanno itti kennamee qulqullina leenjii dubbarreef leenjifamtootaa milkeessuun nidanda'ama.

Article Information

Article History:

Received: 06-07-2023

Revised: 28-09-2023

Accepted: 26-11-2023

Jechoota Ijoo: dubbarree,
ga'umsa, leenjii, milkeessuu,
qulqullina

*Qorataa Muummee:
Margaa Gammadaa

E-mail:

margaa.gammadaa445@gmail.com

Seensa

Yaad-rimeen dubbarree (*literacy*) jedhu malaafi dandeetti dubbisuu, barreessuufi lakkofsa adda baasuu horachuu (Fang, 1996); seera dhamsagootaa adda baasuu (Adams, 1993); ‘hiikaa dubbisuu yookaan dubbisaa hiiku’ (Street, 2004); barreessuufi dubbisuu gara dubbachuutti geessuu (Griffith’fi Lacina, 2018); ‘dubbisu, barreessuufi herregaa hojjechuu, odeeeffannoo qabachuu, ilaalcha/yaada ibsachuu, murtii gochuufi rakkoo hikuuf ga’umsa horachuutti’ (Cash’fi kaan, 2015) akka ta’e hubatama.

Yaad-rimee kana irraatti baroota 1980’ootaatii kaasee yaanni qorannoo irratti hundaa’e kennamaa dhufe. Innis dandeetti duubbisuufi barressuu irra kan darbu ta’ee, mallattoowwan walxaxaa ta’anii mul’atan haala galumsa isaatiin hiika itti kennuuf ga’umsa horachuu akka ta’e (Griffith’fi Lacina, 2018) ibsaniru. Kanarratti Lindquist (2015) dubbarreen yeroo hundumaa caacculee hawaasaafi aadaa kan walsimatu ta’ee, akkaataa galumsa isaaniitti meeshaalee maxxansaafi barreffamaan walitti dhufanitti dhimma ba’uun dandeetti adda baasuu, hubachuu, hiikuu, kalaquu, waliin dubbachuufi herrega hojjechuu akka ta’etti hiikama. Akkaa ammayyaatti xiyyeffannoon dubbarref kenname, “walitti qabama shaakala hawaasaa galumsa irratti hundaa’e” akka ta’etti kan dhiyaatu ta’ee, kan namni dhuunfaan shaakala dubbisuufi barreessuu adda baasuu guddifachuufi akka aadaa, siyasaafi galumsa seenaa isaatti jijiirama jirenya isaa irratti fiduudha (Yang’fi Ping, 2012).

Yang’fi Ping (2012) dubbarree afaaniifi herregaa leenjisuu ilaachisee leenjifamtootaaf xiyyeffannoo guddaa kenuun qajeelfama kan

barbaadudha. Akkasumas, adeemsa leenjifamtoota leenjisuu keessaan yoomiifi akkamitti akka gidduu seenamu (*intervention*) akkaataa isaan barattoota isaanii irratti fooyya’iinsa fidan deeggaruun xyyeffannoo akka gaafatu ibsan. Kanaaf, Alatalo (2013) leenjistoonni dubbarree barsiisota tajaajila duraa, akkaataa isaan hojii addunyaa barsiisuu keessatti leenjifamtootaa deeggaruu danda’an irratti hubannoo isaan horachiisun murteessaa akka ta’e ibseera. Kana irratti, Gao (2013) barreessuufi dubbisuu dhimmoota walqabatanii deeman waan ta’ef, leenjistoonni kolleejjii leenji xiyyeffannoo keessa galchuun, walmaddiitti leenjifamtoota beekumsa horachiisun milkeessuun murteessaa akka ta’e eereera.

Hay’fi Woolley (2011), addunyaa baruu barsiisuu keessatti dandeettiin dubbarree leenjifamtootaa kan cimu, beekumsaafi ga’umsa leenjistootaan kan murtaa’u akka ta’e mirkaneessaniiru. Kana malee, milkaa’inniifi ga’umsi leenjifamtoota barsiisotaa ga’umsa barsiisuu barsiisotaafi qulqullina koorsii barnootaan akka murtaa’u ibsan. Keessattuu, akkaataa barsiisonni yaad-deebii itti kennan, gaaffilee barattootaa irraa ka’uuf deebii itti kennan (mala baruu-barsiisuu dubbarree) irratti beekumsa ga’aa ta’e qabaachuu isaaniin akka murtaa’u mirkaneessan. Fakkeenyaaaf, (i) deebii xiinqooqaa walxaxaa; (ii) jechoota hiika ciccimoo; (iii) fooyyeffanna qayyabbiifi (iv) yaada qabiyee dubbatumu irratti, ofitti amanamummaafi fedhii guddaa qabaachuu kan gaafatudha (Cunningham’fi kaan, 2009).

Kanarraa kan ka’e, koorsiin barnootaa sadarkaa sadarkaan dhiyaatu beekumsa, dandeettiifi sona leenjifamtooni kolleejjii

leenjii keessaafi alatti horataniifi muuxannoo isaan barnoo- taan gonfatan hammatee kan dhiyaatu ta'uu agarsiisa (Scheerens'fi Blömeke, 2016). Qabxilee kanneen xiyyeeffatee haadhiyaatu malee, gosa barnootaa keessaan dubbarree barachuu barsiisuu irratti ga'umsa inni leenjifamtootaaf gumaachu adda baasuun murtees- saadha.

Kana irratti qorachuun kan barbaachiseef, sadarkaa KBB'tti ga'umsa leenjistootaafi qulqullina leenjiinii dubbarree Afaan Oromoo gosa barnootaa garaagaraa keessaan leenjifamtoota tajaajila duraaf kennamu, milkaa'ina dandeettii isaanii irratti dhiibbaa inni fidu adda baasuun furmaata dhiyeessuuf. Kun ammoo, ga'umsaan yoo hojiirra hinoolle, haala fedhii barachuu barsiisuu barataafi barsiisaa gad-buusa; milkaa'ina barattoonni argachuu malan hanqisa. Kana ilalchisee qoranno yeroo garaagaraafi biyyoota adda addaa keessatti hojjetame xiinxalameera.

Fakkeenyaaaf, qoranno Cash'fi kaan (2015) haala hariiroo hojirra oolmaa barnoota dubbarreefi bu'aa leenjifamtoota gidduu jiru irratti hojjetame. Argannoon mul'ates, walitti dhufeena sirrawaa (*positive*) ta'uu agarsiise. Fakkeenyaaaf, qoranno isaaniitiin waanti sakatta'aa habuuraa itti deddeebii (*longitudinal*) qo'atame akka agarsiisetti dhiibbaa beekumsi barsiisaa qajeelfama dubbisuu leenjifamtoota irratti taasise, milkaa'ina dubbisuu isaanii argamsiise. Darbee, akkaataa itti jechoota caccabsanii hubatan irraatti barsiisonni leenjii fudhatan, kanneen leenjii hinargatiin caalaa takkaatti jechoota hedduu hubannaan akka dubbisan adda baasan. Haata'u malee, qorattoonni kenis, gama barreessuutiin xiyyeeffannoo qoranno

kan hinarganneefi qaawwaa akka jiru agarsiiseera.

Rakkoolee kanaan walfakkaatu ilaachisee qorattoonni garaagaraa qoranno isaaniin xiinxalaniiru. Fakkeenyaaaf, Ottley'fi kaan (2015) leenjii dubbarree barsiisotaa tajaajila duraa keessatti rakkoon bu'uuraa mul'atu xiinxaluun arganno dhiyeessaniiru. Arganniin Isaaniis leenjii ga'umsa qabu dhibuu, meeshaan irraa leenji'an ga'umsaan dhibuufi qaawwaan cimaan gama afaan dhalootaa leenjisuu keessatti kan mul'atu ta'uu adda baasaniiru. Kunimmoo, qaawwaa qorannoon kun furuuf deemuun kan walfakkaatdha. Perry'fi kaan (2013) sagantaa bu'a qabeessummaa leenjii dubbarree jedhu irratti qoranno sakatta'aa hojjetaniiru. Argannoon isaanii ammoo haala barreessuu irratti hubannoobal'aan jiraachuu adda baasaniiru. Haata'u malee, ka'umsi qoranno isaanii sagantaa dubbisuufi barreessuu (dubbarree) ta'ee garuu, gama dubbisuutiin xiyyeeffannaa dhabuun, qabiyyeewan leenjii gama dubbisuufi barreessuun walqixa ilaalamuu dhabuun qaaawwaa qoranno isaaniitiin mul'atedha. Krutka'fi kaan (2016) 'ga'ee dubbarree sadarkaafi gosa barnootaa garaagaraa keessaan leenjisuu jedhurratti qorataniin arganno dhiyaate. Innis leenjifamtooni gad-fageenyaan dubbarree shaakalaa baratan beekumsa horatu; hawaasa dimokiraatawaa keessatti ga'ee hojii qooddattoota ta'u; akkasumas, dandeettii dalaguu, yaaduufi naamusa hojjii guddifatu. Haata'umalee, qoranno isaaniitiin dhimma qulqullina leenjiifi ga'umsa leenjistootaa irratti hinxiyyeeffanne. Kun ammoo qaawwaa qoranno kanaan ilaalamudha.

Doubet'fi Southall (2018) qorannoo 'dhiyaanna leenjii dubbarree irratti hojjetanii argannoo dhiyeessaniiru. Kunis, barsiisonni sadarkaa gadii dubbarree irratti ga'umsa qabeessota kan ta'an, leenjistoota ga'umsa qabaniin yoo leenji'anidha. Akkaataa leenjii dubbarree irratti dubbisuu, barreessuufi herrega walitti makuun leenjifamtoota leenjisuuun dagaagina ogummaa barsiisotaa akka guddisu adda ba'e; ga'een dagaagina ogummaas, ilaalchaafi shaakala leenjifamtootaa akka qaru agarsiisan. Qorattooni kun ga'umsa leenjistootaan milkaa'ina argamuufi mala dubbarreen itti leenjifamu ilaalan malee, ga'umsa leenjistootaaf xiyyeffannoo hinkennine. Waliigalatti, qaawwaleen argannoon kanaan mul'atan qo'annoo kanaaf ka'umsa ta'anii gaaffileen bu'uuraa qorannoo kanaan deebii barbaadan ammoo kanneen kanatti aananidha:

1. Kolleejjii barnootaa barsiisotaa keessatti leenjiin dubbarree leenjifamtoota barsiisotaa tajaajila duraaf kennamu, hammam qulqullina qaba?
2. Haalli raawwii dubbarree leenjisuu leenjistootaa, milkaa'ina leenjifamtootaa barsiisotaa tajaajila duraa irratti hammam dhiibbaa qaba?
3. Haala raawwii leenjistootaafii milkaa'ina leejifamtoota dubbarree gidduu hariiroon jira?

Malleeniifi Meeshaalee Saxaxa Qorannichaa

Saxaxni qorannoo kanaa sadarkaa ragaalee walitti

qabuutii kaasee hanga xiinxaluufi qaacceessuu, qindeessuufi tartiibaan gabaasa dhiyeessuutti kan caaseffamedha. Akka hayyooni Kothari (2004), Cohen, Manion'fi Morrison (2007)'fi Creswell, (2012) ibsanitti saxaxni qorannoo kun, dhimmoota ijoo ta'anitti gargaaramuuun akka qorannoo saayinsawaatti ragaalee walitti qabuuf saxaxa sakatta'a qaxxaamuraatti (*cross-sectional survey design*) dhimma ba'ame. Qorataan saxaxa qorannoo kana galmaan ga'uuf, mala walmakaatti kan dhimma ba'e yoo ta'u, ija falaaama paradaayimii qorannoo ijaarsaatiin kan xiinxalamedha.

Mala Iddattoofi Iddatteessuu

Filannoo iddattootaa ilaachisee, ragaalee barbaachisan walitti qabuuf, KBB Naqamtee, Dambi Doolloofi Shaambuu keessaa leenjifamtoota tajaajila duraa wagga sadaffaa muummee Saayinsii Uumamaa, Hawaasaafi Isteetiksiitti leenji'an (dhiira 109, dhalaa 71 waliigala 180 mala carraan filatamanii bargaaffii guutaniiru. Akkasumas, leenjistoonni barsiisotaa kanneen Istiriimii afaanii ala ta'an hundinuu (dhiirri 69fi dhalaan 4 waligallatti barsiisonni 73 mala hammargeen filataman. Kana malee, kolleejjiawan sadan keessaa barattoota 6-9 waliin yeroo lama lama MGX yoo taasifamu, barsiisota 10 waliin afgaaffii raawwatameera. Kunis gabatee kanatti aanu keessaan dhiyaateera.

Gabatee 1: Iddattoo barattootaa waggaa 3ffaafi barsiisota KBB

KBB	Muummeewan		Barattoota Ispeshalistii		Barattoota Jeneralisti		Muummee/Istriimii	Barsiisota		
	Istirimii	Kor nayaa	Walii galaa	Iddat toota	Walii galaa	Iddat toota		Walii gala	Kan ragaa guutan	Marii yeroo 2
Naqamtee	SU,	dhi	34	15	34	15	Her., Bio. Chem,Phy.	42	12	barattoota 8fi 9 waliin
	Istetiksii	dha	26	15	28	15		2	1	
	fi SH	Ida'	60	30	62	30		44	13	
Shaambuu	SU,	dhi	34	15	32	15	HPE, Art, Muziqaa	12	10	Afgaaffii Barsiisota 5
	Istetiksiif	dha	28	15	28	15		-	-	
	i SH	Ida'	62	30	60	30		12	10	
D/Doolloo	SU,	dhi	33	15	28	15	Siv.His. Geo	15	9	Afgaaffii Barsiisaa 5
	Istetiksii	dha	26	15	30	15		2	0	
	fi SH	Ida'	59	30	58	30		17	7	

Iddattoota waliigalaa = barattoota 60x3 = 180'fi barsiisota 30

*Baay'ina waliigala leenjifamtoota 361 = 180

* Waliigalli leenjistootaa 73 = 30

Meeshaalee Funaansa Ragaalee

Odeeffannoo waltti qabuuf, meeshaalee bargaaffiin barsiisotaafi barattootaa irraa; afgaaffiin barsiisotaarraafi MGX barattootaa irraa guurame walitti fiduun rogsadeeffame. Gaaffilee bu'uuraa qorannoo kanaa deebisuuf, ragaaleen hammataa safartuu Liikertiin guurame. Haata'u malee, osoo ragaalee qaaccessuutti hinseeniin haala ifaafi amansiisaa ta'een adda baasanii hubachuun murteessaadha. Kanaaf, yaada Kothari (2004) ibse ka'umsa godhachuun, madaalliiin iskeelii

liikertii gargar fageenyi isaa walqabate bargaaffilee safaramaniif dhiyaate (1=CM, 2=NM, 3=HM, 4 ND'fi 5=CD). Ragaaleen safartuu liikertii kanaan walitti qabame, bu'aa gidduu (*M*)'fi istandaardi diiveshini (*SD*) dhiyaate. Bu'aan ragaaleen gargar fageeya gidduutti argaman adda baasuuf, unkaa qorattooni Alkharusi'f kaan, (2012) gargaaramanitti dhimma ba'ameera.

Gabatee 2 Safartuu ragaalee Liikertiin hiikuuf gargaaran

Bu'aa gidduu (mean value)	Sadarkaa (ratings)	Hanga bu'aa (Range)
1.00-1.79	Baay'ee gad-aanaa	Kutaa bu'aa gad-aanaa (<i>low value</i>)
1.80-2.59	Gad-aanaa	
2.60-3.39	Giddu-galeessaa	Kutaa bu'aa gidduu (<i>neutral value</i>)
3.40-4.19	Olaanaa	
4.20-5.00	Baay'ee olaanaa	Kutaa bu'aa olaanaa (<i>high value</i>)

Madda: (Alkharusi'fi kaan, 2012)


Amanamummaa meeshaalee funaansa ragaalee (bargaaffii) qorannichaa qulqulleeffachuuuf hayyoota barnoota afaniin madaalamee yaanni kennameera. Akkasumas, dhugummaa meeshaalee bargaaffii mirkanoeffachuuuf hirmaattota muraasaaf hiruun erga habuurraan madaalee sirreeffama barbaachisu raawwatame. Darbee, dhugummaa bargaaffii dhiyaatee, *internal-item consistency reliability* isaa madaaluuf ‘Cronbach’s coefficient alpha’ tti dhimma ba’ameera. Kana irratti, Creswell (2014), *Cronbach’s alpha reliability coefficient (α)* gulantaalee (*ranges*) idilee 0 fi 1 gidduu akka ta’e ibseera. Akka Creswell’tti, walsimannaan keessoo bargaaffilee kofiishentii alfaa ilaaluuf seerota “ $\alpha > 0.9$ – ‘Baay’ee gaarii’, $\alpha > 0.8$ – ‘Gaarii’, $\alpha > 0.7$ – ‘simatamaa’, $\alpha > 0.6$ – ‘Gaaffii uuma’, $\alpha > 0.5$ – ‘laafaa’, fi $\alpha < 0.5$ – ‘Hinsimatamu’ dhiyeesseera.” Kanarraa kan ka’e, bargaaffii qoranno kanaan bu’aan Cronbach’s alpha dhiyaate ($\alpha = .867$) yoota’u, kun ammoo dhugummaa isaa sadarkaa gaarii ta’edha.

Ragaalee Qaaccessuufi Hiikuu

Ragaaleen meeshaalee hammamtaan guuraman SPSS unkaa (*version*) 21 gargaaramuu modeela istatiksii ibsaafi infireenshaali (ANOVA karaa tokkoofi hariiroo Spearman’) qaacceffame. Akka Al-sowat (2012) ibsetti, istaatiksiin addeessaa waan walfakkaataa maddisiisuu ta’ee, qaaccessa hammamataa keessatti kan akka safartuu ragaalee liikertii hiikuuf sadarkaa bu’aa gidduu (*mean*) fi garaagarummaa safartuu dhaabbataa (*SD*), gabatee gadii keessatti mul’atutti dhimma ba’ame. Kanneen akkamtaan guuraman ammoo, akka Vanderstoep’fi Johnston (2009)’fi Creswell (2012) agarsiisanitti walitti

fidee rog-sadeessuun erga jechootaan qaacceffamee ibsamee argannoo adda ba’era.

ARGANNOOFI IBSA QORANNICHAA Seenduubee Barattootaafi Barsiisotaa KBB Gabatee 3: Seenduubee Barattootaafi Barsiisotaa KBB



*Baay’ina waliigala leenjifamtoota 361 = 180 * Waliigallu leenjistootaa 73 = 30

Gabatee 4.1 kanarraa akkuma hubatamu, KBB iddattoonni kun keessaa filataman ilaachisee seenduubeen isaanii dhiyaate kan agarsiisudha. Kanarrati, KBB wagga sadaffaa baratan muummee/Istiriimii saayinsii uumamaa, saayinsii hawaasaafi Istetiksii keessaa Naqamtee 60(%33.33), Shaambuu 60(%33.33) fi Dambi Doollootti 60(%33.33), leenjifamtooni barsiisotaa waliigala 180(%100) kan filataman ta’uu agarsiisa.

Barsiisota ilaachisee, KBB Naqamtee 13(%43.33), Shaambuu 10(%33.33) fi D/Doolloo 7(%23.33) kana sadan keessaa barsiisonni leeji dubbarree barsiisan 30(%41.9) hirmaataniiru. Hirmaattonni kun sadarkaa barnootaa isaaniitiin, barsiisonni 20(%66) MA/MSC; barsiisonni 5 (%17) BA’ fi barsiisonni 5(%17) ammoo BSC kan qaban akka ta’e adda ba’e.

**Qulqullina Qabeessummaa Leenjii
dubbarree Kennamuu**

**Wayitii Leenjifi Sadarkaa Qulqullina
Leenjii Dubbarree**

Qulqullin qabessummaa leenjii dubbarree barsiisota tajaajila duraa milkeessuu keessatti qabu adda baasuuf KBB keessatti wayittii lenjii dubbarreef qoodame, gosa barnootaa garaagaraa keessaan leenjifamtoota saayinsii uumamaa, saayinsii hawaasaafi Isteetiksiif dhiyaatee jiru gabatee kanatti aanu keessatti xiinxalameera.

Gabatee 4: Wayitii, sadarkaa leenjii dubbisuufi barreessu

Leenjifamtootaaf				Leenjistootaaf			
Jijjiiramoota	Safartuu	Lak	%	Jijjiiramoota	Safartuu	Lak	%
Torban keessa wayitii leenjii dubbarree leenjfamtu	Cr.hr 2 Cr.hr 3 Cr.hr 4+	123 24 33	68.33 18 18	Torban keessa wayitii leenjii dubbarree kennitu	Cr.hr 2 Cr.hr 3 Cr.hr 4+	20 2 8	66.67 6.6 26.7
	Ida'a	180	100		Ida'a	30	100
Gosa barnootaa keessaan sadarkaa leenjii dubbisuu leenjfamtu	Gadaanaa Giddugala Olaanaa	84 61 35	47 34 20	Gosa barnootaa keessaan sadarkaa leen jii dubbisuu leenjistu	Gadaanaa Giddugala Olaanaa	15 14 1	50 46.7 33.3
	Ida'a	180	100		Ida'a	30	100
Gosa barnootaa keessaan sadarkaan leenjii barreessuu itti leenjfamtu	Gadaanaa Giddugala Olaanaa	72 71 37	40 34 20	Gosa barnootaa keessaan sadarkaa leenjii barreessuu leenjistu	Gadaanaa Giddugala Olaanaa	16 11 3	53.3 36.7 10
	Ida'a	180	100		Ida'a	30	100

Gabatee 3 keessatti ragaalee dhiyaateen alatti wayitii leenjii dubbarree, sadarkaa leenjii dubbisuufi barreessuu irratti barattootaafi barsiisota irraa ragaan walitti qabameera. Leenjii dubbarree ilaachisee torbanitti wayitii meeqa akka baratamuufi barsiifamu irratti barattooni 123(%68)fi barsiisonni 20(%66.7) irraa wayitii (Cr.hr.) 2 akka ta'e adda ba'e. Akkasumas, gosa barnootaa baratan keessaan

sadarkaa leenjii dubbisuu irratti gaaffii hirmaattotaaf dhiyaateen barattoonni 84(%47)'fi barsiisonni 15(%50) sadarkaa gadaanaa ta'een akka leenjiin kennamu hubatame. Yaaduma kana fakkaatuun, gosa barnootaa garaagaraa keessaan sadarkaa barreessuu leenji'uu ilaachisee barattoonni 72(%40) deebii gadaanaafi 71(%34) giddugaleessaan akka leeji'an yoo guutan,

barsiisonni 16 (%53.3) barreessuun sadarkaa gadaanaa, akka leejifaman guutaniiru.

Wayitii leenjii dubbarree, gosa barnootaa garaagaraa keessaan dubbisuufi barreessuu leenjisuu ilaachisee afgaaffii barsiisotaaf dhiyaateen odeeffannoona walitti qabameera. Kana irratti, yaada hirmaattonni kennan koorsiin dubbarree akka gosa leenjii tokkootti waan kennamuuf, gosa barnootaa saayinsii uumamaa keesaan qabiyyeen dubbisuufi barreessuuf dhiyaate muraasa (Id.1SH). Qabiyyeen dubbisuufi barreessuu kallattiin kan dhiyaatu osoo hintaane, darbee darbee fakkiwwan addaa addaan akka shaakalan himame (Id.3SU). Gosa barnootaa saayinsii hawaasaa keessaan addatti dubbisuufi barreessuu shaakalsiisuuf yeroon ga'aan hinjiru (Id.2SU). Barnoota Isteetiksiif qophaa'ee dhiyaatu keessaan addatti dubbisuufi barreessuu barsiisuu dhiyaachuu baatus, kalaqa garaagaraa shaakalsiisu keessaan akka dubbisaniifi irra deebi'anii akka barreessan taasifamu (Id.5 ISt).

Odeeffannoona afgaaffii barsiisota saayinsii uumamaa, hawaasaafi istetiksiif kanneen irraa walitti qabameen garri caalaan gosa barnootaa leenjisan keessaan darbanii darbanii akka shaakalsiisan agarsiisa. Kun ta'ee ragaalee bargaaffii olitti dhiyaatee qaacceffame hundarrraa argannoona mul'ate, KBB keessatti barattoota saayinsii uumamaa, hawaasaafi Isteetiksiif wayitiin leenjii dubbarreef ramadame lama ta'ee, leenjifamtoota ga'oomsuuf ga'aa ta'uun irratti ragaalee barsiisotaafi barattoota gara caalaan irraa argameen bu'aan baay'ee gad-aanaa ($BG=1.90$, $SD=.63$) dhiyaateera. Kunimmoo, kan agarsiisu, wayitiin leenjii dubbarreefi

xiyyeefannoona kenname baayee gadaanaa ta'uun isaati.

Kanarraatti afgaaffiifi marii gareen odeeffannoona walitti qabameen kan walfakkaatu ta'uun argannoo dhiyaate mirkaneesseera. Kanarratti, akka Ottley'fi kaan (2015) ogbarsiisa keessatti wayitiin barnootaa ramadamu barnootaa karoorfameef galma ga'a; kaayyoo barnootaa/ leenjii milkeessuuf isa bu'uuraati (Desimone'fi, kaan, 2016). Haata'u malee, wayitiin dubbarreef KBB keessatti ramadame faallaa hayyoonni afanii dhiyeessan kan faallessudha.

Akkasumas, gosa barnootaa garaagaraa keessaan sadarkaa leenjii dubbisuuh leenjii ilaachisee, barattoota gara caalaniifi irra jireessa barsiisotaa irraa bu'aan argame, bu'aa gadaanaa akka ta'e adda ba'eera. Kana malee, barreessuu ilaachisee barattooniifi barsiisonni garri caalan bifaa walfakkaataan ragaalee bargaaffii guutan irraa bu'aa giddu argames gara bu'aa giddu galeessaatti dhiyaatee mul'atudha. Kana irratti, qorattooni Metzler'fi Woessmann (2012), qulqullinni leenjii dubbarree qabiyyee barnootaa garaagaraa keessaan yoo dhiyaate, ga'umsaafi beekumsa leenjifamtoota dagaagsuuf olaanaa akka ta'e kaasu. Haaluma kanaan, Ottley'fi kaan (2015) sagantaan dubbarree qulqullina qabaachuun isaa kan mirkanaa'u, qabiyyee beekumsa ogbarsiisa (*pedagogical*)fi beekumsa fuul-duratti akka barattooni itti dhimma ba'an kan shaakalsiisu yoota'edha. Qabiyyeefi beekumsi ogbarsiisa haalaan kan haammataman taanaan ga'umsaafi milkaa'ina dandeettii dubbarree barattoota irratti dhiibbaa akka fidu (Alatalo, 2013) ibse.

Cuunfaatti, gosa barnoota graagaraa keessaan leenjiin dubbisuufi barreessuu

dhiyaachuu ilaachisee, gama barataafi barsiisaan bu'aan waliigalaa (*grand mean*) dubbisuu irratti ($BG = 2.59$, $SD=1.113$); barreessuu ($BG =2.70$, $SD=1.112$) mul'ateera. Kanneenis bifaa walfakkaa- tuun gosa barnootaa garaagaraa keessaan bu'aan dhiyaate ($M= 1.9$, $SD=.630$) sadarkaa gad-aanaa ta'uun hubatame. Yaada kana ilaachisee, odeeaffannoona afgaaffiin cuunfameen hirmaattonni leenjistootaa garri caalaan isaanii mala dubbisuufi barreessuu darbanii darbanii akka barsiisaniifi akka koorsii barannoottis akka dhiyaatu adda ba'e.

Kun ammoo, gosa barnootaa garaagaraa keessaan dubbisuufi barreessuu leenjifamtootaaf dhiyaatu quubsaa akka hintaane agarsiisa. Kanarrraa kan ka'e, argannoona waliigalaa, qulqullina qabessummaa leenjii dubbarree barsiisota tajaajila duraa ga'oomsuu keessatti qabuun wayitiin qoodame gadi aanaa; gosa barnootaa garaagaraa kessaan xiyyeffannoona dubbisuufi barreessuu itti leenjifamu laafaadha. Kunis, dhiibbaa inni ga'umsa leejfamtootaa irratti qabu laafaa ta'uun hubatame. Kun kan

agarsiisu, leenjii dubbarreefi xiyyeffannoona kennname baay'ee gadaanaa ta'uun isaati. Kun ammoo, barattoonni dubbisuufi barreessuu gargaaramuun odeeaffannoona argachuu, ilaachaaifi yaada isaanii ibsachuu, murtii gochuufi rakkoo hiikuuf ga'umsa isaan kallattii barnootaa hundaa keessan horataa deeman xiqqeessa (Cash'fi kaan, 2015). Akkasumas, Wilson'fi kaan (2009) sagantaa dhaabbata leenjii barsiisotaatti qabiyyeen leenjii kennamuu haala qulqullina qabuu akka leenjifamtoota ga'oomsuuf yeroo ga'aa ramaduu; shaakalaa leenjii dubbisuufi barreessuu dandeetii sadarkaa dubbisuufi barreessuu olaanaa akka gaddifataniif yeroo bal'aa ramaduun ga'oomsuuf murteessaa akka ta'e mirkaneessan.

Qulqullina Leenjii Dubbarree Leenjifamtoota Ga'oomsuu Irratti

Qulqullina leenjiin dubbarree leenjifamtoota ga'oomsuufi milkeessuu ilaachisee ragaaleen barattootaafi barsiisota irraa walitti qabame gabatee kanatti aanu keessatti dhiyaatee qaacceffameera.

Gabatee 4 Bu'aa gidduu qulqullina leenjiin dubbarree leenjifamtoota milkeessuu irratti

Jijjiiramoota deebii	Lak.	BG	SD
1. Leenjifamtoota dorgomoo taasisa.	210	2.72	1.50
2. Naamusa barsiisummaa akka horatan qajeelcha.	210	2.59	1.45
3. Amala badaa barattootaafi daree to'achuu horachiisa	210	2.50	1.39
4. Dandeetii dubbarree barsiisuu akka fooyeffatan gargaara.	210	2.81	1.46
5. Meeshaalee barnootaa mijataa akka adda baafatanii filtan taasisa.	210	2.51	1.52
6. Adeemsa dubbarree barsiisan keessatti yeroo to'achuu isaan barsiisa.	210	2.51	1.37
7. Hojii irratti barattotaa barsiisaniif ilaachaa gaarii akka horatan gargaara.	210	2.42	1.48
8. Hojii irratti tooftaalee dubbarree barsiisuu garaagaraa akka filatan gargaara.	210	2.70	1.53
<hr/>			
<i>Bu'aa waliigalaa (grand mean)</i>		210	2.59
<hr/>			

Akka ragaalee gabatee 4 irraa mul'atutti, dandeettii dubbarree barsiisuu akka fooyeffatan gargaaruu ($BG= 2.81, SD=1.46$); leenjii dubbarree leenjifamtoota dorgomoo taasisuu ($BG= 2.72, SD=1.50$); hojii irratti tooftaalee dubbarree barsiisuu garaagaraa akka filatan gargaaruu irratti ($BG= 2.70, SD=1.53$) adda ba'e. Sadan isaanii irratti bu'aan dhiyaate bu'aa giddu galeessaati.

Haata'u malee, naamusa barsiisummaa horachiisuu, meeshaalee barnootaa mijataa akka adda baafatanii filtan taasisuu; adeemsa dubbarree barsiisan keessatti yeroo to'achuu isaan barsiisuu; amala badaa barattootaafi daree to'achuu horachiisuufi hojii irratti barattotaa barsiisaniif ilaalcha gaarii akka horatan gargaaruu irratti ragaan dhiyaate hundinuu bu'aa gidduu ($BG = 2.42, SD= 1.48$) hanga ($BG=2.59, SD.=1.45$) kan argamedha. Bu'aan kun ammoo, bu'aa sadarkaa gadi aanaa keessatti argamudha. Qulqullina leenjiin dubbarree leenjifamtoota ga'oomsuufi milkeessuu ilaalchisee ragaaleen barattootaafi barsiisota irraa walitti qabameen bu'aan gidduu waliigalaa (*grand mean*) ($BG = 2.59, SD =.61$) ta'ee bu'aa gara giddu galeessatti kan siqu ta'uu adda ba'eera.

Kanarra dabrbree, qulqullina leenjiin dubbarree leenjifamtoota ga'oomsuufi

milkeessuu irratti garaagarummaa bu'aa KBB sadan (Dambi Doolloo, Naqamteefi Shaambu) gidduu jiru ilaal- chisee ANOVA karaa tokkoon madaaalliin taasifameera. Madaallii kanarrraa bu'aan waliigalaa kollejjota sadaniis dhiyaateera.

Gabatee 5 Bu'aa gidduu qulqullina leenjii dubbarree leenjifamtoota milkeessuuf

KBB	Baay'ima	BG	SD
Naqamtee	73	2.75	0.72
Shaambuu	70	2.63	0.61
D/Doolloo	67	2.38	0.51
Ida'ama	210	2.59	.61

Gabatee kanarrraa akka hubatamutti, qulqullina leenjii dubbarree leenjifamtoota ga'oomsuu irratti bu'aan KBB Naqamtee ($BG=2.75, SD=.72$) fi Shaambuu ($BG=2.63, SD=.61$) argame sadarkaa gidduu-galeessaa yoo ta'u, KBB Dambi Doolloo keessatti ammoo bu'aa ($BG=2.38, SD=.51$) sadarkaa gadaanaan akka ta'e adda ba'e. Kollejjota sadan keessaa ragaaleen barattootaafi barsiisota irraa qofa qofaatti walitti qabameen garaagarummaan bu'aa gidduu kollejjota sadan gidduu akka jiru agarsiise.

Gabatee 6 Milkaa'ina qulqullina leenjiin dubbarree leenjifamtoota ANOVA karaa tokkoo

	Ida'ama Isku'erotaa	df	Isku'erii BG	F	Sig.
Gareewan Gidduutti	305.16	2	152.58	6.155	.003
Gareewan Keessatti	5131.86	207	24.79		
Idaa'ama	5437.02	209			

Gabatee kana keessatti ragaalee ANOVA karaa tokkoon dhiyaateen, garaagarummaan bu'aa KBB gidduu jiraachuu ilaalameen bu'an [$F (2, 207) = 6.15, p<.003, \eta^2 =.004$] dhiyaate.

Bu'aan argame kun, akka shallaggii istaatksiitti garaagarummaan barbaachisumma jiraachuu agarsiise. Kana jechuun, qulqullina leenjii dubbarree leenjifamtoota ga'oomsuufi

milkeessuu irratti dhiyaatu KBB sadan (Naqamtee, $BG=2.75$, $SD=.72$; Shaambuu ($BG=2.63$, $SD=.61$)'fi Dambi Doolloo ($BG=2.38$, $SD=.51$) gidduu garaagarummaan bu'aa jira. Kana malee, leenjifamtoota ga'oomsuuf, qulquolina leenjiin dubbarree irratti, ragaaleen bargaaffii barattootaafi barsiisota irraa walitti qabameen bu'aan gidduu waliigala (*grand mean*) ($BG =2.59$, $SD=.61$) adda ba'e.

Akkasumas, leenjifamtoota milkeessuuuf qulquolina leenjiin dubbarreef dhiyaatu irratti afgaaffiin barsiisotaafi MGX barattootaaf dhiyaateen odeeffannoon guurame. Kunneenis: "Leenjiin waliigalaas ta'e kan dubbarree KBB keessatti kennamu, qulquolina qabeessummaan isaa quubsaat ta'u baatus nigargaara" (Id.6SH). "Leenjiin dubbarreef kennamu leenjifamtoota milkeessuu mitii, waan xiyyeffanno qabu natti hinfakkaatu" (Id.9SU).

Kana ilaachisee, yaanni MGX barattootaa hundaa irraa argames, haalliifi akkaataan koorsii dubbarree dhaabbata leenji barnootaa barsiisotaatti kennamu ga'umsaafi milkaa'ina isaanii irratti jijiirama inni fidu ga'aa akka hintaane ibsan. Ragaaleen gama bargaaffii, afgaaffiifi MGX'n guurame akka agarsiisutti, KBB sadan keessatti leenjiin dubbarree leenjifamtootaaf dhiyaatee kennamaa jiru bifa walfakkaataan, leenjifamtoota ga'oomsuu irratti ga'ee inni qabu gadi aanaa ta'u hubatame.

Haata'u malee, sadarkaan bu'aa gidduu tokkoo tokkoo KBB sadan gidduu jiru madaallii ANOVA karaa tokkoon ilaalamoon garaagarummaan barbaachisummaan bu'aa akka jiru agrsiiseera ($P<.05$). Kana ilaachisee, akka qorattooni garaagaraa kaasanitti,


beekumsi ogummaa barsiisummaa qulquolina qabeessummaa kan inni qabaatu, qulquolinaafi beekumsa leenjistootaa irraa akka maddu (Wilson'fi kaan, 2009) ibsaniiru. Kana irratti, Adams'fi Pegg (2012) sagantaa dhaabbata leenji keessatti leenjiin dubbisuufi barreessuu irratti kennamu bal'inaan beekumsa qabiyee ogbarsiisa xiyyeffatee dhiyaachuu dhabuu; hanqinni beekumsaa leenjifamtoota mudachuuf sababa ta'u (Hebert'fi kaan, 2016) eeran.

Kana malee, leenjiin dubbarree KBB Naqamteefi shaambu keessatti kennamu adeemsa qulquolina qabuun leenjifamtoota ga'oomsuuf dhiyaatu sadarkaa bu'aa gidduu galeessaan yoo ta'u, kan Dambi Doollootti kennamu ammoo gadi aanaadha. Kun akka Desimone'fi, kaan (2016) sadarkaa dhaabbata leenjiii kam keessatti, dubbarreefis ta'e barnoota kamiif leenjiin dhiyaatu leenjifamtoota ga'umsuufi ogummaa hojii ogummichaaf malu kan gonfachiisudha. Haata'u malee, ga'umsa dhabuun lenjifamtootaa gama birootiin hanqina lenjistootaa akka ta'es ibsaniiru.

Haala Raawwii Leenjisuu Barsiisotaa, Leenjifamtootaa Milkeessuu Irratti

Dhiibaa Haala Raawwii Leenjistootaa Milkaa'ina Leenjifamtootaa Irratti

Haalli raawwii leenjisuu barsiisotaa milkaa'ina leenjifamtootaa irratti dhiibbaa hammamii akka fidu ilaachisee ragaaleen walitti qabame akkayyaa istaatistikii ibsaan qaacceffamee fiigerii kanatti aanu keessatti dhiyaateera.



Fiigerii 1 Dhiibbaa haala raawwii leenjistootaa milkaa'ina leenjifamtootaa irratti

Fiigerii olitti dhiyaaterra bu'aan gidduu mul'ate akkaataa leenjifamtooni hojiirra oolchanitti leenjis ($BG = 2.66$, $SD = 1.185$); leenjiin dubbarree haala qulqullina qabuun kennamu ($BG = 2.53$, $SD = 1.041$); leenjiin dubbarree tarsiimoo/ mala adda addaan deeggaramuu ($BG = 2.47$, $SD = 1.242$); leenjiin dubbarree akkaataa garaagaraan dhiyaachuu irratti bu'aan gidduufi addaan fageenyi ($BG = 2.45$, $SD = 1.137$) dhiyaate. Leenjifamtoota milkeessuu irratti dhiibbaa haalli raawwii leenjistootaa qabu ilaachisee bu'aan gidduu waliigalaa dhiyaate ($BG = 2.45$, $SD = 0.64$). Kun ammoo, bu'aa gadi aanan agarsiisa.

Haala raawwii leenjiin leenjistootaa ilaachisee yaada bargaffiin guurame jabeessuuf odeeffannoof afgaaffii walitti qabame akka kanatti aanutti dhiyateera.

Kolleejjii keessatti mala garaagaraan leenjifamtootaaf leenjiin dubbarree kennuuf haalli mijataan hinjiru. Leenjifamtoota ga'omsuuf hojiin bal'aan hojetamus hinjiru. Ta'us, barsiisonni leenjisan tokko tokko quubsaa ta'u baatanis akka gargaaru hubatame (Id.7SH). Kana malee, yeroon leenjiin dubbarreef dhiyaate xiqa waan ta'eef, wayitii xiqaatti leenjifamtoota ga'omsuuf barsiisota irraa kan eegamu osoo hintaane milkaa'inniifi ga'umsi dhamaatii leenji'aatiin akka ta'e (Id.6SU) ibse. Darbee, barsiisonni Istiriimii gaagaraa tokko tokko darbanii darbanii akka deeggaran himan. Kanarraa kan hafe, meeshaaleen deeggarsaa barbaachisu bakka hinjirretti milkaa'inaafi ga'umsa leenjifamtootaa xiyyeffatamee waanti hojetamu akka hinjirre hubatame (Id.10 ISt). Haata'u malee, odeeffannoof MGX barattoota

garee hundaa irraa walitti qabame faallaadha. Innis barsiisonni leenjistootaaf yeroofi xiyyeffannoo bal'aa kennanii ga'umsa leenjifamtootaa irratti hojjechuun hanqinni akka jiru ibsan.

Ragaalee hammaatifi akkamtaan guurame irraa waanti hubatame, haalli raawwii dubbarree leenjisuu barsiisotaa milkaa'ina leenjifamtoonni leenjii dubbarree irraa argatan irratti dhiibbaa uumu kan hinqabaanne ta'uun isaati. Kanaaf, qulqullina qabbeessummaan haala leenjisuu leenjistootaa milkaa'ina leenjifamtootaa ga'ee akka qabu (Koellner, fi Jacobs, 2015) ibsan. Akkaumas, addatti gama leenjii dubbarreetiin beekumsa dubbarree bal'aa qabaachuun leenjistootaa, leenjifamtoota gara milkaa'inaatti akka geessu ibsame. Fakkeenyaaaf, (hubannoo dhaamsagootaa, xiinjechootaa, xiinhimootaafi kanneen biroo), akkaataa madaallii dubbarreefi beekumsa dubbarree leenjifamtootaa hojiirra oolchan beekuu gaafata (Carreker'fi kaan, 2010). Qulqullina leenjifamtootaa dubbarree kan murteessu qulqullina beekumsaa leenjistootaa akka ta'e (Al-Barakat'fi kaan, 2011) mirkaneessan.

Haata'u malee, akka yaad-iddama xiinhawaasaatti haalli raaawwii leenjisuu dubbarree leenjistootaa, dhiibba inni milkaa'ina leenjistootaa irratti qabu guddaadha (Olivia, 2017). Sababiin isaa, barsiisotaa tajaajilaan duraa milkeessuu keessatti, ga'umsiifi qulqullinni raawwii leenjistootaa olaanaadha (Koellner'fi Jacobs, 2015). Karaa biraan, ga'umsi raawwii leenjistootaa qulqullina yoo hinqabaanne qulqullinni leenjii yaadamee galma ga'uufi milkaa' inni leenjifamtootaa hinargamu jechuun (Metzler'fi Woessmann, 2012) mirkaneessan.

Kanarraa kan ka'e, haala raawwii leenjii dubbarree leenjistootaafi milkaa'ina leenjifamtootaa gidduu hariiroo jiru madaaluuf qorataan akkayyaah hariiroo Spearman'itti dhimma ba'uun madaaleere. Kana irratti, ragaalee iddatootaa waliigalaa irraa walitti qabame qo'annicha keessatti gargaarameera. Jijiiramoonni deebii kun hundinuu hariiroo qabaachuu isaanii gabatee kanatti aanu keessatti agarsifamaniiru.

Hariiroo Raawwii Leenjistootaafi Milkaa'ina Leenjfamtootaa

Gabatee 7 Hariiroo haala raawwii leenjistootaafi milkaa'ina leejfamtoota dubbarree

Jiji.deebii	1	2	3	4	5	6	7	8
1. Akkaataa leenjfamtooni hojiirra oolchanitti leenjisuu.	–							
2. Leenjiin dubbarree haala qulqullina qabuun kennama.	-.097	–						
3. Leenjiin dubbarree tarsiimoo adda addaan dhiyaata.	.319**	.040	–					
4. Leenjiin dubbarree akkaataa garaagaraan dhiyaata.	.155*	.189**	.180**	–				
5. Leenjiin dubbarree kaayyoofi galma xiyyeffata.	.201**	.156*	.173*	.158*	–			
6. Leenjii dubbarree dandeettii leenjfamtoota fooyessa.	.217**	.174*	.256**	.292**	.224**	–		
7. Leenjii dubbarree kennamu hojii barsiisuuf ni kakaasa.	.186**	.285**	.268**	.230**	.257**	.107	–	
8. Ga'umsaafi beekumsa leejfamtootaa horachiisa.	.142*	.171*	.268**	.337**	.294**	.281**	.175	–

* $p < .05$. ** $p < .01$.

Akkayyaa hariiroo Spearman'itti gargaarameen hariiroo jijiiramoota gidduu jiru gabatee 7 irratti dhiyaateera. Jijiiramoonni dhiyaatan haala raawwii leenjistootaafi milkaa'ina leenjfamtootaa irratti ragaalee guuramedha. Hariiroon jijiiramoota deebii waliigalaa haala barbaachisummaa (sig.) qabuun addaan fageenya ($r = .142$ hanga $r = .334$, gatii $P < .004$ hanga $.000$) gidduutti kan dhiyaatanidha. Kanneen keessaa, garri caalaan hariiroon jijiiramoota kana irratti mul'ate kanneen ($r = .20$ hanga $r = .31$, $P < .05 - .000$) gidduutti argamanidha. Hariiroon haala kanaan mul'ate ammoo hariiroo laafaadha.

Kana malee, jijiiramoonni biroon ammoo hariiroo ($r = .142$ hanga $r = .180$, $P < .004$ hanga $.000$ gidduutti argamanidha). Kanneen kunis, hariiroo bayyee laafaa ta'uu agarsiisa. Kana ta'ee, hariiroon jijiiramootaan dhiyaate hundi kallattii sirrummaa /positive/ ta'eenidha. Haata'u malee, kanneen keessaa, hariiroon jijiiramoota ga'umsaafi beekumsa

leejfamtootaa horachiisuufi leenjiin dubbarree akkaataa garaagaraan dhiyaachuu gidduu hariiroon jiru ($r = .33$, $P < .000$). Kunimmoo, hariiroo giddu galeessaa yoota'u, kanneen hafan ammoo hariiroo laafaafi hariiroo baay'ee laafaa ta'edha (Croswell, 2012). Beekumsi qulqullina qabu, raawwii leenjii barsiisotaa qulqullina qabu irraa madda. Beekumsi leenjisuu qulqullina qabu ammoo, adeemsa muuxannoo keessa dagaagaa deema. Kunis, leenjfamtoota milkeessuuf carraa kenna (Al-Barakat'fi kaan, 2011).

Haala raawwii dubbarree leenjisuu leenjistootaafi milkaa'uu leenjfamtootaa gidduu hariiroo jiru irratti afgaaffiin odeeffanno walitti guurameera. Kunneenis: Milkaa'ina leenjfam tootaafi haala raawwii leenjisuu barsiisotaa gidduu hariiroon jiru jabaataa ta'ee garuu, yeroo baay'ee beekumsa leenjfamtooni leenjii irraa argataniifi ga'umsa isaan shaakala aoolaa (practicum) irratti agarsiisan wal hinargu (Id.8SU). Darbee,

qulqullinni leenjii koorsii dubbarree, akkuma koorsii kamii irratti mul'atu laafaa akka ta'e; ga'umsi raawwii leenjistoo- taafi milkaa'inni leenjifamtootaa hariroo qabaatus, milkaa'ina dubbarree barattootaaf rakkoon laafina barattootaafi koorsii dubbarreef qophaa'e malee, leenjistoota akka hintaane adda ba'e (Id.9SH). Gama barsiisotaan qulqullinni raawwii leenjisuu jiraatus, dandeetti barattoonni dubbarree irratti agarsiisan laafaadha. Kunimmoo, gaafa dirree hojiitti bobba'anis ga'umsaafi milkaa'ina akka isaan hinqabaanne akka taasisu hubatame (Id.4ISt).

Waliigalatti, haala raawwii dubbarree leenjisuu leenjistootaafi milkaa'uu leenjifamtootaa gidduu hariroon jijiiramoota hedduu irratti mul'ate hariroo baay'ee laafaa akka ta'e odeeaffanno bargaaffii irraa argameen adda ba'e. Kunis, barattoonni koorsii isaaniif kennamu waliin hariroon qabaachuun isaanii barbaachisummaan (sig.) jiru kan agarsiisu ta'ee, haalli raawwii leenjii dubbarree leenjistootaa garuu, qulqullina qabeessa waan hintaaneef milkaa'ina barattoonni gonfachuuu qaban irraatti jijiirama kan uume miti. Akkasumas, odeeaffanno afgaaffii barsiisotaar irraa walitti qabame kuni kan agarsiisus, haala raawwii leenjistootaafi milkaa'ina leenjifamtootaa gidduu hariroon cimaan jiraatus, milkaa'ina barattootaaf rakkoon gama barsiisotaan osoo hintaane gama barattootaan akka ta'e yaada barsiisotaar waliigalaa irraa mul'ateera.

Barattoota irraa yaanni MGX dhiyaate ammoo, faallaa odeeaffanno barsiisotaan dhiyaatedha. Innis milkaa'inaafi ga'umsa barattootaaf ga'ee olaanaa kan qabu qulqullina akkaataa keniinsa leenjii barsiisotaafi meeshaalee koorsichaaf qophaa'e ta'ee, gama

barsiisotaan kaka'umsi jiru laafaa ta'u hubatame. Kunis, leenjii koorsii dubbarree irratti leenjifamtoonni ga'umsa, dandeettiifi milkaa'ina barbaachisaa ta'e dhabuuf sababa akka ta'e agarsiise. Karaa biraatiin, haallii leenjii barsiisotaan dubbarree dhaabbata leenjii barnootaa barsiisotaan kan hinhorofne, qulqulinni leenjii kan hinjirre, ulaagaaleefi hordoffiin leenjifamtootaaaf xiyyeef-fannoon kan hinkennamne ta'u hubatame. Yaada barattootaa kana jabeessuun qorattoonni Koellner'fi Jacobs (2015) qulqullinni leenjisuu barsiisotaar, qulqullina leenjii uu leenjifamtootaa akka murteessu ibsan.

Akka hayyuun Juchniewicz (2012) ibsetti leenjiin barsiisotaar qulqullinaafi ga'umsaan raawwatamu milkaa'ina leenjifamtootaa waliin hariroo inni qabu guddaa akka ta'e ibse. Fallaa anaan, qulqullinaafi milkaa'ina dhabuun barsiisotaar ammoo hariroo leenjii sirrii ta'e argachuu dhabuu leenjifamtootaa irraatti dhiibbaa akka uumu (DeGraff'fi kaan, 2015) mirkaneessan. Kanaaf, haalli raawwii leenjistootaa dubbarree qulqullina barnoota dhiyaatuufi leenjifamtoota fooyyessa; hariroo leenjistootaafi milkaa'ina leenjifamtootaa jabeessa (Carreker'fi kaan, 2010).

GOOLABAIFI YAADA FURMAATAA

Akka paradigm ijaarsaatti (*constructivist*)'tti dandeetti barsiisuu dagaagsuun xiyyeffanno guddaa kan barbaadudha. Kanaafuu, qaawwi gahumsa leenjii dubbarreefi qulqullina leenjii irratti mul'ate qoratame. Kanarraa kan ka'e, adeemsa leenjii keessatti, wayitiin leenjii barnoota dubbarreef ramadame torban keessaa sa'atii lama qofa akka ta'e adda baafameera. Kun garuu, leenjifamtoota ga'umsa horachiisuuf yeroo ga'aa ta'e miti. Kana malee, gosoota barnootaa adda addaa keessaan

xiyyeefannaan leenjii dubbisuufi barreessuu kennamu gadi aanaafi dhiibbaan inni ga'umsa leenjifamtootaa irratti qabu laafaadha. Akkasumas, qulqullinni leenjii dubbarree KBB sadan keessatti dhiyaatu, ga'umsa leenjifamtootaa fooyyessuuf gahee inni qabu gadi aanaa akka ta'e hubatameera. Kanaaf, dhimmamtoota adda addaa ofeeggannoон hirmaachisun ga'umsaafi adeemsa qulqullina leenii leenjifamtoota tajaajila duraa hojiirra oolchuuf, qophii siilabasii leenjii mirkaneessuuf, qorannoofi leenjii dubbarree KBB keessatti kennamuufi meeshaalee deeggersaa ga'umsa qabu hirmaannaan qopheessuuf shoora olaanaa waan qabuuf BBO osoo yaada keessa galchee milkaa'inni leenjii dubbarree dabalaan deema.

Kana malee, KBB keessatti haala raawwii kenniinsa leenjii dubbarreefi beekumsa dabarsuu leenjistootaa, galma ga'iinsaafi milkaa'ina leenjifamtoota tajaajila duraa irratti dhiibbaa argamsiisu qoratameera. Kana irratti bu'aan argame laafaadha. Kanaaf sababooni ammoo, hanqina haala mijaa, barsiisotaan xiyyeefannoон kennamuu dhabuu, kenniinsi leenjii leenjistootaa quubsaa ta'u dhabuu, yeroo leenjii gahaa dhabuu, meeshaalee deeggarsa barbaachisoo ta'an dhibuufi haqina raawwii hojii leenjistootaafi leenjifamtootaa ta'u adda baa'eera. Gama kaaniin walitti dhufeenyi ga'umsa raawwii leenjistootaafi leenjifamtoota dubbarree tajaajila duraa gidduu jirus laafaa ta'u mul'atee jira. Kunis, KBB keessatti ga'umsi leenjistootaa akka fooyya'aa deemuuf ijaarsa dandeettii leenjistootaa barsiisota tajaajila duraatiif leenjiin gabaabaan osoo kennamaa deemee leenjii dubbarree irratti milkaa'inni leenjifamtootaa dabalaan deema.

Kanarraa kan ka'e, yaada furmaataa qorataan dhiheessu, leenjii leenjifamtoota dubbarree tajaajila duraa irratti gidduu seenummaa (intervention) bal'aa kan barbaada ta'uua isaati. Kana waan ta'eef:

1. Dameen/seekterri leenjii dubbisuufi barreessuu yookaan dubbarree BBO'fi ogeeyyiin barnoota afaanii kallattiin fooyya'iinsa leenjifamtootaa irratti yoo kan waliin hojjetan ta'e, qulqullina barnoota dubbarree irratti jijiirama guddaa argamsiisuu danda'u.
2. Akkasumas, qorattooni KBB keessatti gaaffilee wayitiin barumsaa dubbarree torbanitti maaliif lama qofa ta'e? Leenjistoonni maaliif kaka'umsa dhabu? Akkasumas leenjifamtooni ogummaa bu'uuraa maaliif hinhoratan? jedhu irratti yoo xiyyeefannaan qorannoo bal'aa geggeessan qaawwaan kun akkaataa barbaadamutti furmaata waaraa kan argatu ta'a. Kana waan ta'eef, hayyooni barnootaa Yuunivarsiitii, KBB'fi BBO koorsii leenjii dubbarree fooyyessuu/qopheessuu keessatti osoo qooda olaanaa qabaatanii qulqullinni leenjiifi hojiirra oolmaan isaa bu'a qabaeessa ta'a.

WABIILEE

Adams, M. (1993). 'Beginning to read: An overview' in Beard, teaching literacy balancing perspectives. Hodder Stoughton: London 'Introduction' pp. 204-215

Adams, A. E., and Pegg, J. (2012). Teachers' enactment of content literacy strategies in secondary science and mathematics classes. *Journal of Adolescent and Adult Literacy*, 56, 151–161. doi:10.1002/JAAL.00116

- Margaa G
- Alatalo, T. (2013). "Sustainable reading and writing instruction: A question for teacher education." *The International Journal of Literacies*, 19 (3): 1–11. Doi:10.18848/2327-0136/CGP/ v19i03/48778.
- Al-Barakat, A. A., and Bataineh, R. F. (2011). "Preservice childhood education teachers' perceptions of instructional practices for developing young children's interest in reading." *Journal of Research in Childhood Education*, 25 (2): 177–193. Doi: 10.1080/02568543.2011.556520.
- Alkharusi, H., Aldhafri, S., Alnabhani, H., and Alkalbani, M. (2012). Educational assessment attitudes, competence, knowledge, and practices: An exploratory study of Muscat teachers in the Sultanate of Oman. *Journal of Education and Learning*, 1(2), 217-232. URL: <http://dx.doi.org/10.5539/jel.v1n2p217> ISSN 1927-5250 E-ISSN 1927-5269
- Al-sowat, H. (2012). An evaluation of English language textbook "say it in English" for first year intermediate grade in Saudi Arabia. *Journal of Studies in Curriculum and Supervision*, Vol. 3 - No. 2.
- Carreker, S., Joshi, R. M., and Boulware-Gooden, R. (2010). "Spelling-related teacher knowledge: the impact of professional development on identifying appropriate instructional activities." *Learning Disability Quarterly*, 33 (3): 148–158. Doi:10.1177/073194871003300304.
- Cash, A., Cabell, S., Hamre, B., DeCoster, J., and Pianta, R. (2015). Relating prekindergarten teacher beliefs and knowledge to children's language and literacy development. *Teaching and Teacher Education*, 48, 97–105. [dx.Doi.org/10.1016/j.tate.2015.02.003](https://doi.org/10.1016/j.tate.2015.02.003)
- Jor. Dil. Qor. Adoolessaa-Mudddee 2023, 1(2), 98-116*
- Cohen, L., Manion, L., and Morrison, K. (2007). *Research methods in education*. (6th ed.). London: Rutledge. Doi.org/10.4324/9780203029053
- Copeland, S. R., and Keefe, E. B. (2007). *Effective literacy instruction*. Baltimore: Paul H. Brookes.
- Creswell, J.W. (2014). *Research design: Qualitative, quantitative, and mixed methods approach*. (4th edition). London: Sage Publications, Inc.
- Cunningham, A. E., Zibulsky, J., Stanovich, K. E., and Stanovich, P. J. (2009). How teachers would spend their time teaching language arts: The mismatch between self-reported and best practices. *Journal of Learning Disabilities*, 42, 418–430. doi.org/10.1177%2F0022219409339063
- Desimone, L.M., Hochberg, E.D., and McMaken, J. (2016). Teacher knowledge and instructional quality of beginning teachers: Growth and linkages. *Teachers College Record*, 118, 1-54. Doi: 10.1177/0022487114549599
- Doubet, K. J., and Southall, G. (2018). Integrating reading and writing instruction in middle and high school: The role of professional development in shaping teacher perceptions and practices. *Literacy Research and Instruction*, 57(1), 59-79. [Doi.org/10.1080/19388071.2017.1366607](https://doi.org/10.1080/19388071.2017.1366607)
- Fang, Z. (1996). A review of research on teacher beliefs and practices. *Educational Research*, 38(10), 47-65. <https://doi.org/10.1080/0013188960380104>
- Gao, Y. (2013). The effects of summary writing on reading comprehension: The role of ediation in EFL classroom. *Reading Improvement*, 50, 43–47.

- Margaa G
- Goatley, V. J., and Hinchman, K. A. (2013). Using research to make sensible literacy decisions within current educational initiatives. *Language Nad Literacy Spectrum*, 2357–2368.
- Griffith, R., and Lacina, J. (2018). Teacher as decision maker: A framework to guide teacher decisions in reading. *The Reading Teacher*, 71(4), 501 – 507. <https://Doi.org/10.1002/trr>.
- Hay, I., and Fielding-Barnsley, R. (2012). Social learning, language and literacy. *Australian Journal of Early Childhood*, 37, 24–29.
- Hay, I., and Woolley, G. (2011). The challenge of reading comprehension. In T. Lê, Q. Lê M. Short (Eds.), *Language and literacy in a challenging world* (pp. 123–136). New York: Nova Science Publishers.
- Hebert, M., Bohaty, J. J., Nelson, J. R., and Brown, J. (2016). “The effects of text structure instruction on expository reading comprehension: A Meta-analysis.” *Journal of Educational Psychology*, 108 (5): 609–629. doi:10.1037/edu0000082.
- Juchniewicz, M. (2012). Visible voices: Literacy identity and the invisible homeless. *Journal of Adolescent Adult Literacy*, 55 (6), Dol: 101002/JAAL.00060
- Koellner, K. and Jacobs, J. (2015). Distinguishing models of professional development: The case of an adaptive model’s impact on teachers’ knowledge, instruction, and student achievement. *Journal of Teacher Education*, 66(1), 51- 67.
- Kothari, C.R. (2004). *Research methodology: Methods and techniques*. (2ndedition). New Delhi: New Age International PLtd. Publishers.
- Jor. Dil. Qor. Adoolessaa-Mudddee 2023, 1(2), 98-116*
- Krutka, D. G., Carpenter, J. P., and Trust, T. (2016). Elements of engagement: A model of teacher interactions via professional learning networks. *Journal of Digital Learning in Teacher Education*, 32(4), 150-158. <https://Doi.org/10.1080/21532974.2016.1206492>
- Lindquist, J. (2015). "Literacy." Keywords in writing studies. Paul Heilker and Peter Vandenberg, eds. Utah State University Press, 99-102. DOI: 10.7330/ 9780874219746.c020
- Metzler, J., and Woessmann, L. (2012). The impact of teacher subject knowledge on student achievement: Evidence from within-teacher within-student variation. *Journal of Development Economics*, 99(2), 486-496.
- Olivia, N. S. (2017) Literacy and language: new developments in research, theory, and practice. *Early Child Development and Care*, 187:3-4, 299-304, Doi: 10.1080/03004430.2017.1282235
- Ottley, J., Piasta, S., Mauck, S., O’Connell, A., Weber-Mayrer, M., and Justice, L. (2015). The nature and extent of change in early childhood educators’ language and literacy knowledge and beliefs. *Teaching and Teacher Education*, 52, 47-55. <https://Doi.org/10.1016/j.tate.2015.08.005>
- Perry, M., Wessels, A., and Wager, A. C. (2013). From play building to devising in literacy education: Aesthetic and pedagogical approaches. *Journal of Adolescent Adult Literacy*, 56, 649–658. doi:10.1002/JAAL.195.
- Scheerens, J., and Blömeke, S. (2016). “Integrating teacher education effectiveness research into educational effectiveness models.” *Educational Research Review* 18: 70–87. Doi:10.1016/j.edurev.2016.03.002.

Street, B. (2004). *Understanding and defining literacy*. Background Paper for EFA Global Monitoring Report 2006.

Vanderstoep, S.W., and Johnston, D.D. (2009). *Research methods for everyday life: Blending qualitative and quantitative approaches*. USA: John Wiley and Sons, Inc.

Wilson, N. S., Grisham, D. L., and Smetana, L. (2009). Investigating content area teachers' understanding of a content literacy framework: A yearlong professional development initiative. *Journal of Adolescent and Adult Literacy*, 52, 708–718.
<http://dx.doi.org/10.1598/JAAL.52.8.6>

Yang, J., and Ping, L. (2012). Brain networks of explicit and implicit learning. *PLoS One*. 7(8), e42993. doi:10.1371.